

摛藻堂四庫全書薈要

集部

欽定四庫全書薈要卷一萬五千五

集部

樂城集卷十

宋 蘇轍 撰

詩九十六首

和孔武仲金陵九詠

白鷺亭

白鷺洲前水奔騰亂馬牛亭高疑欲動船去似無憂洶湧山方壞澄清練不收中秋誰在此明月滿城頭

覽輝亭

城裏最高處坡陁見一城山多來有緒江遠靜無聲歌
吹風前度樓臺雨後明風光同楚蜀聊此慰平生

鳳凰臺

鳳鳥久不至斯臺空復高何年種梧竹特地翦蓬蒿白
水來無際青山轉幾遭南遊且未返江海共滔滔

天慶觀

興廢不可必冶城今靜祠松聲聞道路竹色淨軒墀江
近風雲改亭深草木滋孤墳弔遺直狂闇閔元規在宜

高齋

金陵佳處自無窮使宅幽深即故宮樓殿六朝遺燼後
江山百里舊城中雨餘尚有金鉿落月出長窺粉堞空
看盡一城懷古地茲遊恨不與君同

此君亭

在華藏寺

綠竹不可數孤亭一倍幽色分巖石潤稍出澗松脩雪
節寒方見春萌旱不抽故山多此物長恨未歸休

見江亭

在蔣山

江水信浩渺連山巧蔽虧端能上斂絕故自識津涯滅
沒檣竿度飄搖鶯羽遲何人倚舟望亦愛此峯危

定林院

定林兩山間崖木生欲合茅屋倚巖隈重重陰清樾晨
齋取旁寺生事信幽絕吾人定何為常欲依暖熱

八功德水

君言山上泉定有何功德熱盡自清涼苦除即甘滑頗

遭遊人病時取破匏挹煩惱雖云消凜然終在臆

遊鍾山

江南四月如三伏北望鍾山萬松碧杖藜試上寶公龕
衆壑秋聲起相襲青峯回抱石城小白練前橫大江直
石梯南下俯城闥松徑東蟠轉山谷喬林無風聲如雨
時見遊僧石上息行窮碧澗一庵巖坐弄清泉八功德
歸尋晚飯衆山底困卧定林依石壁朝遊不知澗谷遠
莫歸但覺穿雙屐老僧一身泉上住十年掃盡人間迹

客到惟燒柏子香晨飢坐待山前粥丈夫濟時誠妄語
白首居山本良策茹蔬飯糗何足道純灰洗心聊自滌
失身處世足愆尤愧爾山僧少憂責

郭祥正國博醉吟庵

姑熟溪頭醉吟客歸作茅庵劣客席團團鵠卵中自明
窓前月出夜更清醉吟自作溪上語不學擁鼻雄陽生
詩成付與坐中讀知有清溪可終日作詩飲酒聊復同
誰來共枕溪中石圓天方地千萬里中與此間大相似

囂然一息不自停水火雷風相滅起直須只作此庵看
歌罷曲肱還醉眠不用騎鯨學李白東入滄海觀桑田

湖陰曲

老虎穴中臥獵夫不敢窺驛駘服箱驂盜驪巡城三匝
漫不知帳中晝夢日繞壁驚起知是黃湏兒馬鞭七寶
留道左猛士徘徊不能過遺矢如冰去已遙明日神兵
下赤霄荒城至今人不住狐兔驚走風蕭蕭

舟次大雲倉回寄孔武仲

一風失前期十日不相見君帆一何駛去若乘風箭我
舟一何遲出沒蔽葭亂甕中有白糟床上有黃卷妻孥
不足共思子但長嘆池陽重相遇撫手成一粲先行復
草草回首空眷眷人生類如此遲速亦何算一見誠偶
然四海良獨遠相期廬山陰把臂上雲巘

池州蕭丞相樓二首

遶郭青峯睥睨屯入城流水縠文翻樓成始覺江山勝
人去方知德業尊坐久浮雲霾後嶺酒醒飛雪變前村

我來邂逅公歸國猶喜登臨共一樽

池守滕元發時將解去

丞相風流直至今朱欄仍對舊山林奔馳軒冕終何有
跌宕圖書意最深松繞城頭風瑟縮江浮山外氣陰森
三年不起南遷想應有前人識此心

過九華山

南遷私自喜看盡江南山孤舟少僮僕此志還復難局
促守破窓聯翩過重巒忽驚九華峰高拱立我前蕭然
九仙人縹渺陵雲烟碧霞為裳衣首冠青琅玕揮手謝

世人可望不可攀我行竟草草安能拍其肩但聞有高士卧聽松風眠松根得茯苓狀若千歲龜煮食一朝盡終身棄腥羶腹背生綠毛輕舉如翔鷺相逢欲借問已在長松端何年脫罪罟出處良自便芒鞋挂藤杖逢山即盤桓斯人未可求巖室儻復存

佛池口遇風雨

長江五月多風暴雨行先看風日好此風忽作東南來陰雲如湧撥不開驚雷往還轉車轂狂波低昂起坑谷

中流一葉那復持
卷舒已副天公知
解帆轉柁不容語
佛池口中幸可住
湏臾急雨變昏霾
柁師喜賀風已回
澄溪不動紫白練
老木蒼崖蔚蕙蒨
繫舟茅屋得青蔬
試問釣船還有魚
開樽引滿向妻子
明日復行未湏怖
陰陽開闔良等閒
扁舟誰令乘嶮艱

舟次磁湖以風浪留二日不得進子瞻以詩見寄
作二篇答之前篇自賦後篇次韻

慙愧江淮南北風扁舟千里得相從
黃州不到六十里

白浪俄生百萬重自笑一生渾類此可憐萬事不由儂

夜深魂夢先飛去風雨對床聞曉鐘

西歸猶未有菟裘擬就南遷買一丘舟楫自能通蜀道
林泉真欲老黃州魚多釣戶應容貰酒熟鄰翁便可留
從此莫言身外事功名畢竟不如休

黃州陪子瞻遊武昌西山

千里到齊安三夜語不足勸我勿重陳起遊西山麓西
山隔江水輕舟亂鳬鷺連峯多回溪盛夏富草木杖策

看萬松流汗升九曲蒼茫大江湧浩蕩衆山蹙上方寄
雲端中寺倚巖腹清泉類牛乳煩熟湏一掬縣令知客
來行庖映脩竹黃鵝時新煮白酒亦近熟山行得一飽
看盡千山綠幽懷苦不遂滯念每煩促歸舟浪花暝落
日金盤浴妻孥寄九江此會難再卜君看孫討虜百戰
不搖目猶憐江上臺高會飲千斛巾冠墮臺下坐使張
公哭異時君再來携被山中宿

將還江州子瞻相送至劉郎家狀王生家飲別

相從恨不多送我三十里車湖風雨交

晉車武子故居
其水曰車湖

松竹相披靡繫舟枯木根會面兩王子嘉眉雖異郡鷄

犬固猶爾相逢勿空過一醉不湏起風濤未可涉隔竹

見奔駛渡江買羔豚收網得鮀鯉朝畦甘瓠熟冬盎香

醪美烏菱不論價白藕如泥耳誰言百口活仰給一湖

水奪官正無賴生事應且爾卜居請連屋扣戶容屣履

人生定何為食足真已矣愆尤未見雪世俗多相鄙買

田信良計蔬食期淡齒手持一竿竹分子長湖尾

赤壁懷古

新破荊州得水軍鼓行夏口氣如雲千艘已共長江嶮
百勝安知赤壁焚臂距方強要一鬪君臣已定勢三分
古來伐國湏觀釁意突成功所未聞

自黃州還江州

身浮一葉返溢城凌犯風濤日夜行把酒獨斟從睡重
還家漸近覺身輕岸回樊口依稀見日出廬山紫翠橫
家在庾公樓下泊舟人遙指岸如頰

江州城下上赤如頰

江州五咏

射蛟浦

萬騎巡遊遍千帆破浪輕射蛟江水赤教戰越人驚山

轉樓船影岸摧連弩聲祈招無為賦酣寢盡平生

浦上
水積

相傳漢武教
樓船於此

浪井

江波浮陣雲岸壁立青鐵胡為井中泉湧浪時驚發水
性本無定得止自澄澈誰為女媧手補此天地裂

庾樓

元規情不薄上客有殷生夜半酒將罷公來坐不驚舞
翻江月迥談落塵毛輕塵世風流盡高樓空此名

東湖

讀書廬山中作郡廬山下平湖浸山腳雲峯對虛榭紅

蕖紛欲落白鳥時來下猶思隱居勝亂石驚湍瀉

李勃
隱居

廬山泉石奇勝今接賢寺其故居也
及為九江太守始營東湖風物可愛

琵琶亭

溢江莫雨晴孤舟暝將發夜聞胡琴語展轉不成別草
堂寄東林雅意存北闕潛然涕泗下安用無生說

不到東西二林

山北東西寺高人永遠師來遊亦前定回首獨移時社
散白蓮盡山空玄鶴悲何年陶靖節溪上送行遲

遊廬山山陽七詠

開先瀑布

山上流泉自作溪行逢石缺瀉虹霓定知雲外波瀾濶

飛到峯前本末齊入海明河驚照曜倚天長劍失提携
誰來卧枕莓苔石一洗塵心萬斛泥

漱玉亭

山回不見落銀潢餘溜喧逐響石塘目亂珠璣濺空谷
足寒雷電繞飛梁入瓶銅鼎春茶白接竹齋厨午飯香
從此出山都不棄滿田秔稻插新秧

簡寂觀

山行但覺鳥聲殊漸近神仙簡寂居門外長溪淨客足

山腰苦笋助盤蔬喬松定有藏丹處大石仍存拜斗餘

弟子蒼髯年八十養生世世授遺書

歸宗寺

來聽歸宗早晚鐘疲勞懶上紫霄峯墨池漫疊溪中石
白塔微聞嶺上松佛宇爭推一山甲僧厨坐待十方供
欲遊山北東西寺巖谷相連更幾重此寺王逸少所置
云有墨池在焉

萬杉寺

萬木青杉一手栽滿堂白佛九天來

仁宗初年有僧手種萬杉特為建此

寺仍以禁
中佛賜之涓涓石溜供厨足蠶蠶山屏遶寺開半榻松
陰秋簾冷一杯香飯午鐘催安眠飽食平生事不待山
僧喚始迴

三峽石橋

三峽波濤飽泝沿過橋雷電記當年江聲髮鬚瞿唐口
石角參差灔澦前應有夜猿啼古木已將秋葉作歸船
老僧未省遊巴蜀松下相逢問信然

白鶴觀

五老相携欲上天玄猿白鶴盡疑仙浮雲有意藏山頂
流水無聲入稻田古木微風時起籟諸峯落日盡生烟
歸鞍草草還城市慙愧幽人正醉眠

南康阻風遊東寺

欲涉彭蠡湖南風未相許扁舟厭搖蕩古寺慰行旅重
湖面南軒驚浪卷前浦霏微雪陣散顛倒玉山舞一風
輒九日未悉上囊怒百里斷行舟仰看飛鴻度故人念
征役一飯語平素竹色淨飛濤松聲亂秋雨我生足憂

患十載不安處南北已兼忘遲速何須數

寄題陳憲郎中竹軒

家有脩篁綠滿軒趨庭詩禮舊忘言凌霜自得良朋友
過雨時添好子孫試剪輕筠扶野步旋收涼葉煮清樽
風流共道勝桑梓鄰里何妨種百根

次韻孔武仲到官後見寄

舉楫同千里繫舟時一言共嗟蓬作屋願就席為門行
後身先困征商思益昏僅同登壘斷何止服車轍

次韻筠守毛維瞻司封觀脩城三首

北垣荆棘舊成堆
留待公來次第開
車馬已通城下路
榛蕪盡付治家灰
異時碧瓦千門合
應記紅旌百度來
自笑裨諶便曠野
肩輿飛蓋許追陪

撥棄案頭文字堆
曉晴山色四門開
究懷民事老雖壯
俛首山城心已灰
荆棘燒殘桑柘出
狐狸去盡犬鷄來
規模先遣通蹊隧
後乘應客衆客陪

山腳侵城起阜堆
遼城徼道斬新開
闥閣半壞驚潮信

隍壑初深見劫灰蟻聚千夫曾幾日鱗差萬瓦看將來
使君才力輕山郡朝論行聞急召陪

次子瞻夜字韻作中秋對月二篇一以贈王郎一

以寄子瞻

平明坐曹黃昏歸終歲得閒惟有夜已邀明月出牆東
更遣清風掃庭下城上青鬟四山合門前白練長江瀉
誰家高會吹參差鄰婦悲歌春罷亞二年憂患今已過
一夜清光天所借西京詩句出蘇李南國風流數王謝

已隨孤棹去中原肯顧新科求上舍讀書本自比嵇鍛
學劍要湏問曹蔗清觴灑灑君莫違佳句駿駿予已怕
狂夫猖狂終累人不返行遭親黨罵

十年秋月照相思相從祇有彭門夜露侵笳鼓思城闕
寒迫魚龍舞潭下厭厭夜飲歡自足落落襟懷向人瀉
秋深河來巨野溢水乾樓起滕王亞北海孔公雖好客
河內寇尹那得借是非朝野忽紛紜得喪芳菲一閒謝
明月多情還入門流水何知空繞舍晨餐江市富鱣鯈

夜宿山村足梨蔗坐隅鵩鳥不湏問牆外蝮蛇猶足怕
婁公見唾行自乾馮老尚多誰定罵

次韻王適食茅栗

相從萬里試南餐對案長思苜蓿盤山栗滿籃兼白黑
村醪入口半甜酸久聞牛尾何曾試竊比鷄頭意未安
故國霜蓬如益大夜來彈劍似馮驩

過毛國鎮夜飲

風格照人華省郎江山遶郭古仙鄉漫傳鉛鼎八百歲

未比金釵十二行不動歌聲人已醉旋聞詩句夜初長
簿書撥盡知餘力道院清虛頃未嘗

次韻毛國鎮趙景仁唱和三首一贈毛一贈趙一

自咏

治劇從容緩策銜鈴軒無事日清談隼旂畫戟明千里
紙帳繩床自一菴金奏屢陳客和玉山不動看賓酣
我來邂逅逢寬政忘却漂流身在南

一紙新詩過雁銜醒然何異接君談奉親魚盤兼臨海

退食琴書定有菴一別經年真似夢多憂不飲亦如酣
共君友契非今日蔽芾棠陰自劍南

遠謫江湖舳尾銜到來辛苦向誰談畏人野鶴長依嶺
厭事山僧祇住菴黃雀頓來成一飽白醪新熟喜初酣
踈頑近日尤堪笑坐任飄風去自南

再和三首

穴鼠何須寢數銜麤官不用苦高談夜傾綠蟻風吹竹
晝擁黃紬雪覆菴每作微詞還自笑偶漸餘潤亦成酣

公詩精絕非倫擬自古騷人盡在南

燕窠泥上一春銜慙愧封侯止立談舊隱尚聞存竹徑
歸休但要葺茅菴釣船夢想沿溪泛酒盞遙思向日酣
強欲遲留依幕府吳公行恐召河南

天教窮困欲誰銜生事那湏一一談自笑豐年塵滿甌
不堪雨後菌生菴士師憔悴經三黜陶令幽憂付一酬
他日歸耕苦相憶尺書頻寄北山南

次韻王適州學新修水閣

黃鍾巨筵雨春容何幸幽居近學宮坐對江山增浩氣
力追齊魯欲同風頌詩聞道求何武家法行看試左雄
欲伴少年遊讐相奔軍慚愧恐詞窮

次韻毛君九日

山腳侵城盡是臺登高處處喜崔嵬手拈霜菊香無柰
面拂江風酒自開幕府尊罍雲裏集民家歌吹靜中來
定知勝却陶彭澤悵望籬邊白日頽

次韻毛君感事書懷

種棠經歲便成科
秋雨調勻氣漸和
才力有餘嫌事少
風情無限覺詩多
長松更老仍添節
古井雖深自不波
宴坐山房人豈識
一尊聊且慰蹉跎

次韻毛君見督和詩

新詩落紙一城傳
顧我踈蕪豈足編
他日杜陵詩集裡
常迢畧見兩三篇

次韻毛君山房遣興

欲就陽崖暖新開
石磴斜誰言太守宅
自是野人家燕

坐收心鑑冥觀閑界沙退公長寂寞外物自喧譁缺逕
移松補斜陽種竹遮白雲生後礎孤鶩伴殘霞破悶時
尋鶴呼眠亦任鴉喜聞糟出甕屢問菊開花古井元依
斗丹砂舊養芽蚍蜉頻上案猿狹巧分榦客到扁舟遠
年侵兩鬢華心搖挂風旆眼暗闊輕紗強撥橫肱睡來
從挿版衙隱居慙棄擲勝地每咨嗟頑鈍終何取彫磨
豈復加焦先夙所尚園舍恰如蟬

和胡教授蒙太守策試諸生

著籍初同闕里多采芹先致魯風和欲將大策觀朐膽
盡召中堂列雁鵠終日正言何忌諱幾人餘力尚委蛇
豈惟太守知為政仍見先生善設科

和毛君州宅八詠

鳳凰山

山川蟠踞偶成形威鳳低徊久未行更種梧桐真可致
高飛性似伯夷清

披仙亭

仙翁舊住蜀江邊千歲歸來一鶴翩城郭已非人事改

淒涼遺迹但披仙

方沼亭

池上茅簷覆水低早來秋雨尚虹霓敗荷折葦飛鴻下
正憶漁舟泊故溪

翠樾亭

一夜飛霜點綠苔曉庭黃葉掃成堆簷間翠樾影疎盡
却放牆東好月來

李八百洞

洞府山川百里賒
洞門藤蔓鎖烟霞
神仙不與人間異
弟妹還應共一家

煉丹井

鑿井燒丹八百年
塵緣消盡果初圓
石床蘚甃人安在
綠水團團一片天

磨劍池

神仙鑄劍本無硎
岸古班班尚鐵銛
天上少年仍狡猾

不湏還爾對方平

山房

岸幘携筇夜夜來蒲團紙帳竹香臺直湏覓取僧為伴
更為開菴斬草菜

次韻毛君病中菊未開

病肺秋聲霧雨傷舊縉故絮喜清涼菊花金粟未曾吐
桂酒鵝兒空自黃草木亦知年有閨風霜漸近月方陽

十月為得詩聞道維摩病欲到毘耶言已忘

陽月

雨中宿酒務

微官終日守糟缸風雨淒涼夜渡江早歲謬知儒術貴
安眠近喜壯心降夜深唧唧醅鳴甕瓦睡起蕭蕭葉打窓
阮籍作官都為酒不湏分別恨南邦

次韻毛君經旬不用鞭朴

共喜秋深酒味醇官曹休假不湏旬政寬境內棠陰合
訟去庭中草色新不惜牛刀時一割已因鼴鼠發千鈞
歲終誰為公書考豈止江西第一人

次韻李撫辰屯田修州門

六月江濤壁壘頽蒼崖翠甓就新臺咄嗟雙闕還依舊
咫尺羣山信有材畫戟風生兩衙退飛橋日出萬人來
不因毀圮催興築誰見雍容治劇才

飲酒過量肺疾復作

朝蒙麴塵居夜傍糟床卧鼻香黍麥熟眼亂瓶罍過囊
中衣已空口角涎虛墮啜嘗未云足盜醻恐深坐使君
信寬仁高會慰寒餓西樓適新成明月猶半破擁簷青

山橫拂檻流水搖雕槃貯霜實銀盞薦秋糯共言文字
歡豈待紅裙佐惟知醍醐滑不悟頗羅大夜歸肺增漲
晨起脾失磨情懷忽牢落藥餌費調和衰年足竊窺一
醉仍坎坷清尊自不惡多病欲何奈聞公話少年舉白
不論箇歌吟雜嘲謔笑語爭投簾平明起相視銳氣曾
未挫達人遺形骸駑馬懷豆莖不知逃世網但解憂歲
課不見獨醒人終費招魂些

衡州趙閣道少師濯纓亭

挂冠纓上已無塵猶愛溪光碧照人點檢舊遊黃石在
掃除諸念白鷗親一尊父老囊金盡三徑松筠生事貧
他日南公數人物丹青添入縣圖新

茶花二首

黃蘖春芽大麥麴傾山倒谷採無餘久疑殘枿陽和盡
尚有幽花霰雪初耿耿清香崖菊淡依依秀色嶺梅如
經冬結子猶堪種一畝荒園試為鉏

細嚼花鬚味亦長新芽一粟葉間藏稍經臘雪侵肌瘦

旋得春雷發地狂，開落空山誰比數。
蒸烹來歲最先嘗，枝枯葉硬天真在。
踏遍牛羊未改香。

次韻毛君山房即事十首

案牘稀疎意自閒，夜闌幽夢曉方回。
青苔紅葉驟人事，時見詩筒去又來。

東晉仙人借舊山，定應天意許公閒。
郡人欲問使君處，笑指峯巒紫翠間。

蛩知秋候時鳴壁，香礙清簾不出門。
隱几無言心有得，

南窓晴日暖侵軒

溪山付與醉中仙
美酒何曾斗十千
就得江邊賤魚稻
閒官未用苦相憐

忘身先要解忘名
分別湏更起不平
請看早朝霜入屨
何如卧聽打衙聲

禽哢秋來不復圓
桐陰霜後亦成穿
黃花強欲招酣飲
白髮偏工報老年

邂逅清歡屢不期
病來無奈羽觴飛
醉乘籃輦江邊去

長伴漁舟月下歸

醉裡題詩偏韻惡秋來勸酒益杯深不才多病俱非敵
綠綺緣何得報金

庵中獨宿雨垂垂永夜無人欵竹扉灰冷銅爐香欲滅
床頭一點葛燈微

觸事隨緣不用多華堂玉食奈憂何美人未厭山阿陋
薜荔為裳帶女蘿

再和十首

澗草巖花日日開江南秋盡似春回旋開還落無人顧

惟有山蜂暖尚來

江上孤城面面山居人也自不曾閒蜂遊蟻聚知何事
日夜長橋南北間

城郭村墟共水雲槿籬竹屋映柴門隱居亦有高人在
岸幘無言倚釣軒

一官疎散自疑仙三考應成醉日千早病固湏閒地著
多憂長被達人憐

養生尤復要功圓溜滴南溪石自穿近見牢山陳道士

微言約我更三年

牢山陳道士瑛近過此叩之竟無所云約三年當再見

張公詩社見公名

公昔與張伯達為唱和之友

白首山城嘆不平坐

客要聞新樂府應湏溢口琵琶聲

高情日與故山期鴻鵠誰言也倦飛且聽漁人強哺啜

坐山羈客畏公歸

天為多才故欲禁府門摧落漲江深鼎新翠壁排精鐵

湧出飛樓直百金

樓上青山遶四垂畫橋百步引朱扉落成當與公同上
一着長江自練微

歌舞留賓意自多華燈數問夜如何白頭病客無才思
慣卧茅簷長薜蘿

筠州二詠

牛尾狸

首如狸尾如牛拳條捷儉如猱猴橘柚為漿栗為餽筋
肉不足惟膏油深居簡出善自謀尋踪發窟并執囚蓄

租分散身為羞松薪瓦甌烝浮浮壓入糟盎肥欲流熊
肪羊酪真比儔引筋將舉訊何尤無功竊食人所仇

黃雀

秋風下黃雀飛禾田熟黃雀肥羣飛蔽空日色薄逡巡
百項禾為稀翾翾巧捷多且微精丸妙綈舉輒遙乘時
席勢不可揮一朝風雨寒霏霏肉多趨重天時非農夫
舉網驚合圍懸頸系足膚無衣百箇同缶仍相依頭顱
萬里行不歸北方居人厭羔豨咀噍聊發一笑歎

欽定四庫全書

欽定四庫全書
榮城集

卷十

十五

樂城集卷十

總校官庶吉士臣張能照

校對官

檢討臣龍大萬

謄錄監生

臣

張子誠



欽定四庫全書薈要

集部

樂城集卷十一

詳校官助教臣常循



欽定四庫全書薈要卷一萬五千六

集部

欒城集卷十一

宋蘇轍撰

詩八十六首

和毛君新葺困菴船齋

厭居華屋住東庵真味全勝食齋甘多病維摩長隱几無心彌勒便同龕誤遊田舍空成笑謬入僧房即欲參風霽不知吹有萬月明聊共影成三齋如小舫才容住室類空固定不貪擁褐放衙人寂寂脫巾漉酒鬢鬟鬆

畫囊書帙堆窗案藥裹瓢樽挂壁籃簷竹風霜曾不到
盆花蜂蝶未全諳公餘野鵠驚初睡賓醉佳人笑劇談
勸客巨觥那得避和詩難韻不容探曉來霏霧連江氣
冬後溫風帶嶺嵐去國屢成還蜀夢忘憂惟有對公酣
終身徇祿知何益投檄歸耕貧未堪借我此庵泥藥竈
古書鴻寶試淮南

寒雨

江南殊氣候冬雨作春寒冰雪期方遠蕉緋意始闌未

妨溪草綠先恐嶺梅殘忽發中原念貂裘據錦鞍

積雨二首

山雨無時歇江波上岸流泥深未免出橋斷更堪憂房
淺鄰糟甕宵寒攬絮裘朝來勢未已歸路恐操舟

其二

微陽力尚淺未解破重陰雲氣山川滿江流日夜深凍
牙生滯穗餘潤及重衾泥濘沉車轂農輸絕苦心

戲贈李朝散

江霧霏霏作雪天樽前醉倒不知寒後堂桃李春猶晚試覓酥花子細看

戲答

銀瓶瀉酒正霜天玉塵生風夜更寒下客不辭投轄飲好花猶恐隔簾看

臨江蕭氏家寶堂

高人不解作生涯唯有中堂書五車竹簡多於孔氏壁牙籤新似鄴侯家田園豈是子孫計青紫今為里巷誇

富貴早知皆有命君應未厭十年賒

和蕭利察推賀族叔司理登科還鄉四首

家聲籍籍大江西臨老揮毫捧御題得意何殊少年樂
還家不惜醉如泥

讀盡家藏萬卷書蕭然華髮宦遊初區區獄掾何湏愧
聊把春秋試緒餘漢儒以春秋決獄

作官未減讀書勤簿領從今日日新汗簡韋編誰付予
傳家應有下帷人

卷南諸子足才賢邂逅相逢秀句傳
強作短章同寄與異時見我一依然

次韻吳厚秀才見贈三首

騷人思苦骨巖巖百里攜詩相就談故作微詞挑遷客
不嫌春雨濕歸衫少年舊喜登高賦老病今成見敵慙
問我近來誰復可對君聊擬誦周南

久欲歸田計未成羨君負郭足為生躬耕不用千鍾祿
高卧誰知萬里征已覺安閒真樂事可憐辛苦盡浮名

隱居便作江南計為覓佳山早寄聲

一卷新詩錦一端掉頭吟諷識芳酸哀歌永夜悲牛角
朗詠扁舟笑杏壇間發笙簧猶可擬棄捐斤斧定知難
繼君高韻君應笑咀嚼歸途久據鞍

次韻毛君燒松花六首

茅庵紙帳學僧眠爐爇松花取易然唯有未能忘酒在
手傾金盞鬪垂蓮

翹雜松黃二月天盤敲松子早霜寒山家一物都無棄

狼藉乾花最後般

蜀人以松黃為餅甚美

松老香多氣自嚴餘烟勃鬱透疎簾須臾過盡惟灰在

借問誰收一番

去聲炎

美人寒甚懶開扉金作松花挿羃離幾度低頭疑墮落
青烟已斷未消時

枯萼鱗皴不復堅重重正似半開蓮曾經樵舍壇爐見
未許邦君畫閣然

黃蠟供炊自一家鎔銖貧富遞矜誇都城爭買方薪貴

却顧松花已自奢

陪毛君遊黃仙觀

李叟仙居仍近市
黃公道院亦依城
定應昔日山林地
未有今時鷄犬聲
白鶴翻飛終不返
黃冠憔悴只躬耕
試從車騎尋遺跡
恐有居人解養生

次韻王適梅花

江梅似欲競新年
照水窺林態愈妍
霜重清香渾欲滴
月明素質自生烟
未成細實酸猶薄
半落南枝意可憐

誰寫江西風物樣徐家舊有數枝傳

次韻王適春雪二首

江南春候寒猶劇細雨風吹作雪花中夜窓扉初晃漾
平明草木半低斜潤催江柳排金綠光雜山茶點絳葩
老病不堪乘曉出紛紛能使髮增華

春雪飄搖旋不成依稀履跡散空庭山藏複閣猶殘白

日照南峯已半青

毛君惠溫柑荔支二絕

楚山黃橘彈丸小未識洞庭三寸柑不有風流吳越客
誰令千里送江南

荔子生紅無柰遠陳家臘白到猶難雖無驛騎紅塵起
尚得佳人一咲歡

次韻王適遊真如寺

江上春雨過城中春草深擾擾市井塵悠悠溪谷心東
郊大愚山自古薈葛林微言久不聞墜緒誰當尋道俗
數百人請聞海潮音齋罷車馬散萬籟俱消沈新亭面

南山積霧開重陰蕭然偶有得懷抱方惜惜我坐米鹽
間日被塵垢侵不知山中趣強作山中吟

次韻王適新燕

好雨纖纖潤客衣新來雙燕力猶微似嫌春早無人見
故待簾開掠地飛南國花期知不遠中原寒劇未應歸
養雛不怕巢成早記取朝朝為啓扉

官居即事

官局紛紜簿領迷生緣瑣細老農齊偷安旋種十年木

肉食還須五母鷄對酒不嘗憐酷榷釣魚無術漫臨溪
此身已分長貧賤執爨縫裳愧老妻

陪毛君夜遊北園

池塘草生春尚淺桃李飛花初片片一尊花下夜忘歸
燈火尋春畏春晚春風暗度人不知滿園紅白已離披
江南春雨少晴日露坐青天能幾時折花只恐傷花意
携客就花花定喜落蕡飄香翠袖中交柯接葉燈光裡
雨練風柔雪不如精神炫轉影扶疎夜看飛燕勝朝日

月暗還須明月珠
美人勸我殊非惡
明日雨來無此樂
醉歸不用怕山公
馬上接離先倒著

山橙花口號

故鄉寒食茶蕪發
百和香濃村巷深
漂泊江南春欲盡
山橙鬢髮慰人心

次韻馮弋同年

細雨濛濛江霧昏
坐曹聊且免泥奔
賣鹽酤酒知同病

一笑何勞賦北門

送王適徐州赴舉

送別江南春雨淫北方誰是子知音性如白玉燒猶冷
文似朱弦叩愈深萬里同舟寬老病一杯分袂發悲吟
明年榜上看名姓楊柳春風正似今

遊吳氏園

細雨作寒晴便暖好風吹袂意初嘉清池解洗春心熱
紅艷能添醉眼花紫竹暗生岷岫筍山舟強比洛人家
憐渠巧與閒官便申退來遊未覺賒

江州周寺丞泳夷亭

行過廬山不得上溢江城邊一惆悵羨君山下有夷亭
千巖萬壑長相向山中李生好讀書出山作郡山前居
手開平湖浸山腳未肯即與廬山疎道州一去應嫌遠
千里思山夢中見青山長見恐君嫌要須罷郡歸來看

次韻毛君遊陳氏園

增築園亭草木新損花風雨怨頻頻簫管似欲迎初暑
芍藥猶堪送晚春薄暮出城仍有伴携壺藉草更無巡

歸軒有喜知誰見道上縱橫滿醉人

江張

山中三日雨江水一丈高崩騰沒州渚淫溢侵蓬蒿凌
晨我有適出門舟自操中廬已易肆下道先容舠鷄犬
萃墳冢牛羊逾圈牢厨薪散流枿困米為浮糟卧席不
遑卷剥蠶仍未繅老弱但坐視間里將安逃徙居共擾
擾來勢方滔滔嗟余偶同病哀爾為生勞晴日慰人願
寒風送驚濤藩籬出舊趾羸蚌遺平臯流竄非擇地艱

難理宜遭胡為苦戚戚一夕生二毛

和子瞻鐵柱杖

截竹為杖瘦且輕石堅竹破誤汝行削木為杖輕且好
道遠木折恐不到閩君鐵杖七尺長色如黑蛇氣如霜
提携但恐汝無力撞堅過險安能傷柳公雖老尚強健
閉門却掃不復將知公足力無嶮阻憐公未有登山侶
回生四海惟一身袖中長劍為兩人洞庭漫天不覺過
半酣起舞驚鬼神願公此杖亦如此適意遨遊日千里

歸來倚壁示時人海外蒼茫空自記

競渡

使君欲聽榜人謳
一夜江波拍岸流
父老不知招屈恨
少年爭作弄潮遊
長鯨破浪聊堪比
小旆逆風殊未收
角勝爭先非老事
凭闌寓目思悠悠

登郡譙偶見姜應明司馬醉歸

蒼然莫色映樓臺
江市遊人夜未迴
何處酒仙無一事
肩輿鼾睡過橋來

送姜司馬

七歲立談明主前江湖晚節弄漁船鬪鷄誰識城東老
喪馬方知塞上賢生計未成歸去詠草書時發醉中顛
當年不解看齊物氣踴如山誰見憐

寄題趙峴承事戲綵堂

春晚安輿遍浙東永嘉別乘喜無窮橐裝已笑分諸子
吏道何勞問薛公堂上壽樽諸掾集室中禪論衲僧通
興闌却返林泉去幕府長留孝弟風

次韻溫守李鈞見寄兼簡毛大夫

梁苑相從薄領中清風相逐畫船東婆娑江海凌雲鶴
飲啄籠樊失渚鴻別後丹砂迷舊訣愁來白髮變衰翁
此間詩老仍勍敵正憶高吟酒盞空

次韻洞山克文長老

無地容錐卓年來轉覺貧偶知珠在手一任旣生塵竄
遂非閑性顛狂却甚真此心誰復識試語洞山人

試院唱酬十一首

戲呈試官呂防

新秋風月正涼天空館相看學坐禪滿榻詩書愁病眼
隔牆砧杵思高眠霜飛一葉凋瓊玉風遠雙松奏管絃
聞道熊羆歸夢數侵天闌棘漫森然

次韻呂君豐城寶氣亭

紫氣飛空不自謀誰憐黽勉匣中留西山猛獸橫行甚
北海長鯨何日收星斗不堪供醉舞蛟龍會看反重湫
功成變化無踪跡望斷中原百尺樓

次韻呂君見贈

偶然傾蓋接清言
不覺門前晝漏傳
老病低摧方伏櫪
壯心堅銳正當年
莫嫌客舍一杯酒
試論溝山三祖禪
明日程文堆几案
只應衰懶得安眠

呂前官舒州
問禪溝山

次韻呂君興善寺靜軒

自恨尋山計苦遲
年過四十始知非
小軒迎客如招隱
野鳥窺人自識機
窗外竹深孤鶴下
堦前菊秀晚蜂飛
老僧戰勝長幽寂
瘦骨緣何未肯肥

觀試進士呈試官

松庭散朝日棘戶啓秋風鵠鷺紛來下旌旗儼未攻馳
詞旨倚馬餘力送征鴻逸足誰先到孤標想暗空晶熒
雙鏡並高下片言公老病方耽睡飛沈一夢中

次前韻

南國號多士幾人洙泗風英材自入彀壞陣不勞攻文
縛山藏豹飛高弋慕鴻蚩妍歸品藻得失付虛空考行
先推本登賢旋奏公期君緩歸轡一醉鹿鳴中

戲呈試官

只隔牆東便是家，悄悄還似在天涯。
客心不耐聽松雨，歸信猶堪飲菊花。
剪燭看書良寂寞，披沙見玉忽謳譁。
自慙空館難留客，試問姮娥稍駐車。

次前韻三首

老去在家同出家，楞伽四卷即生涯。
麌詩怪我心猶壯，細字憐君眼未花。
霜落初驚衾簾冷，酒酣猶喜笑言譁。
歸心知有三秋恨，莫學匆匆下坂車。

金匱 卷之二十一
門前溪水似漁家。流浪江湖歸未涯。邂逅高人來說法。
支離枯木旋開花。諸生試罷書如積。劇縣歸時訟正譁。
安得騎鯨從李白。試看牛女轉雲車。

濁醪能使客忘家。屈指歸期已有涯。魚化昨宵驚細雨。
鹿鳴他日飲寒花。已諳江上有蔬薄。莫笑衙前鼓笛譁。
太守況兼鄉曲舊。會須投轄止行車。

試罷後偶作

重門閉不開。鳥鳥相呼樂。晨暉轉簾影。微風響松末。喧

譁適已定寂歷方有覺人生竟何事外物巧相縛當時
不自悟已過空成怍耕耘亦何苦遊宦殊自惡棄彼既
已誤就此良應錯誰能即兩忘隨緣更無作

放榜後次韻毛守見招

飽食安眠愧不材疎簾翠帯幸相陪深居正厭銀袍亂
失喜初聞鐵鎖開佳句竟蒙探古錦小槽仍報滴新醅
諸人欲見風流伯不用招呼亦自來

送毛滂齋郎

先志承顏善養親束裝騎馬試為臣酒腸天予渾無敵
詩律家傳便出人擁鼻高吟方自得折腰奔走漸勞神
歸來一笑須勤取花發陳吳二月春

燕貢士

泮水生芹藻千旄在浚城桑鵝同變響苹鹿共和鳴秋
晚槐先墮霜多桂向榮清尊助勸駕急管發驩聲勇銳
青衿士淹通白髮生芬芳雜蘭菊變化等鷗鯨去日衣
冠盛歸時里巷驚坐中詞賦客愧爾一經明

次韻毛君清居探菊

眼前黃葉畏秋霜耳畔啼蛩怨夜長佳節欣聞近萸菊
清商試為奏伊涼疎狂久笑謀生拙貧病應憐為口忙
今日共君拚一醉從教人道亦高陽

次韻毛君見贈

江國騷人不耐秋夜吟清句曉相投鋒藏豈願囊中脫
尾斷終非俎上羞擇地何年真得意鋪糟是處可同遊
南遷尚有公知我人事何須更預謀

次韻毛君偶成

年來衰病正相兼，薄宦奔馳尚未厭。
詩句空多渾漫興，俗緣已重不須添。
聾牙向物知難合，疎懶憐公獨未嫌。
時聽淵明詠歸去，猶應為我故遲淹。

孔平仲著作江州官舍小庵

近山不作看山計，引水新成照水庵。
閉口忘言中自飽，安心度日更誰參。
簡編圍遠穿書蠹，窓戶低回作蠅蚕。
我亦一軒容膝住，敝裘籧飯有餘甘。

送饒州周沃秀才免解

少年工作賦中歲復窮經驥老終知道劍埋新發硎束裝隣里助答策友朋聽還似臨淄貢隨風起北溟

雪中洞山黃蘖二禪師相訪

江南氣暖冬未回北風吹雪真快哉
雪中訪我二大士試問此雪從何來
君不見六月赤日起水雹又不見臘月
幽谷寒花開紛然變化一彈指不妨明鏡無纖埃

毛國鎮生日二絕

生日元同小趙公里間相接往還通怪公日夜歸心切

欲寄此生丹竈中

世謂叔平大趙參政閔道小趙參政趙公善養生故有丹竈之句

聞公歸橐尚空虛近送楞嚴十卷書心地本無生滅處
定逢生日亦如如

次韻毛君將歸

疎傅思歸不待時孟軻出畫苦行遲新詩尚許留章句
故事誰從問典彝金馬尚應堪避世石泉未信可忘饑
不才似我真當去零落衡茅隔雍岐

送楊騰山人

胸中萬卷書不如一囊錢
不見楊夫子歲晚走道邊
夜歸空床卧兩手摩涌泉
窗前雪花落真火中自然漁
然發微潤飛上崑崙顛霏霏
雨甘露稍稍流丹田閉目內
自視色如黃金妍至陽不獨
凝當與純陰堅一窮百不
遂此事終無緣君看抱朴子
共推古神仙無錢買丹砂
遺恨盈塵編歸去守茅屋道成
要有年

次韻子瞻與安節夜坐三首

前山積雪暮崢嶸燕坐微聞落瓦聲共對一尊通夜語
相看萬里故鄉情信歸嶺上寒梅遠恨極江南春草生
明日青銅添白髮且須醉睡倒燈檠

少年高論苦崢嶸老學寒蟬不復聲目斷家山空記路
手披禪冊漸忘情功名久已知前錯婚嫁猶須畢此生
家世讀書難便廢漫留案上鐵燈檠

謫官似我無歸計落第憐渠有屈聲握手天涯同一笑
倚門歲晚不勝情黃崗俯仰成陳迹白首蹉跎畏後生

歸去且安南巷樂莫看歌舞醉長檠

次韻毛君上書求歸未報

白髮憂民帶減圍頻聞慷慨賦將歸近傳道士連三疊
久悟禪門第一機夜永庵中詩自得日高門外客來稀
此心素定誰能勸祇有丁寧詔莫違

次韻毛君絕句

中池有士閉重關夜發天光走玉環白日對人人不識
幅巾破褐任塵漫

次韻毛君留別

問天乞得不訾身屈指人間今幾人魚縱江潭真窟宅
鶴飛松嶺倍精神清風吹雨停歸騎舊圃留花送晚春
自號白雲知有意便從丹竈拂埃塵

送毛君致仕還鄉

古人避世事豈問家有無但言鴻鵠性不受樊籠拘公
家昔盛時阡陌連三衢倉廩濟寒餓婚嫁營羈孤千金
赴高義脫手曾須臾晚為二千石得不償所逋撫掌不

復言但以文字娛我恨見公遲冉冉垂霜鬚高吟看落
筆劇飲驚倒壺負罪不自知適意忘憂虞忽聞叩天闇
言旋故山廬朋友不及謀親戚亦驚呼人生各有意何
暇問俗徒嗟我好奇節嘆公真丈夫天高片帆遠目斷
清風徂惟應東宮保迎笑相攜扶

贈景福順長老二首并序

轍幼侍先君聞嘗遊廬山過圓通見訥禪師留連久
之元豐五年以謫居高安景福順公不遠百里惠然

來訪自言昔從訥於圓通達與先君遊歲月遷謝今
三十六年矣二公皆吾里人訥之化去已十一年而
順公年七十四神完氣定聰明了達對之悵然懷想
疇昔作二篇贈之

屈指江西老多言劍外人身心已無著鄉黨漫相親竄
遂知何取周旋意甚真仍將大雷雨一洗百生塵

其二

念昔先君子南遊四十年相看順老在想見訥師賢歲

歷風輪轉禪心海月圓常情計延促無語對潛然

次韻孔平仲著作見寄四首

昔在京城南成均對茅屋清晨屣履過不顧車轍轂時
有江南生能使多士俊同儕畏鋒銳兄弟更馳逐文成
劇翻水賦罷有餘燭連收領底髭未耗髀中肉飛騰困
中路迢遞啄場粟歸來九江上家有十畝竹一官籠包
裹萬卷中自足還如白司馬日聽杜鵑哭我來萬里外
命與江波觸罪重慙故人囊空仰微祿已為達士笑尚

謂愚者福米鹽日草草奔走常碌碌尺書慰貧病佳句
爛珪玉多難畏人知胡為強題目徂年慕桑梓歸念寄
鴻鵠但願洗餘愆躬耕江一曲

其二

共居天地間大類一間屋推排出高下何異車轉轂死
生本晝夜禍福固倚伏誰令塵垢昏浪與紛華逐譬如
薪中火外照不自燭感君探至道勸我減梁肉虛心有
遺味實腹不須粟芬敷謝桃杏清勁比松竹息微知氣

定睡少驗神足胡為嗜一飽坐使百神哭要知丹砂異
不受腥腐觸可憐山林姿自縛升斗祿君看出世士肯
屑世間福寧從市井遊與衆同碌碌不願束冠裳腰金
佩鳴玉斯人今何在未易識凡目恐在廬山中飛翔遂
黃鵠試用物色尋應歌紫芝曲

其三

百病侵形骸漸老同破屋中有一寸空能用輻輳忽
如丹砂走不受凡火伏前瞻已不遠後躡愈難逐將炊

甌中飯未悟窗下燭聰明役聲形口腹嗜魚肉塵泥

翳羽

泉井荆棘敗禾粟未知按妙指漫欲理絲竹廬山多名

繙過客禮白足達觀等存亡世俗強歌哭確然金石心

不畏蚊蚋觸順忍為裳衣供施謝榮祿真人我自有渡

海笑徐福衆皆指庸庸自顧非碌碌愧君詩意厚桃李

報瓊玉舉網羅衆禽有獲非一目喧啾定無用要自取

黃鵠君看大方家慎勿留一曲

其四

治生非所長兒女驚滿屋作官又迂踈不望載朱轂因
緣墨罪罟未許即潛伏空餘讀書病日與古人逐老妻
憐眼昏入夜屏燈燭上官念貧窶時節饋醪肉衰年類
蒲柳世事劇麻粟數日望歸田寄語先裁竹文章亦細
事勤苦定何足君詩四相攻欲看守陴哭愧無即墨巧
不解火牛觸自非太學生彫琢事干祿安心已近道閉
口豈非福胡為調狂詞玉石相落碌腹中抱丹砂舌下
漱白玉作詩雖云好未免亂心目奕秋教二人不取志

鴻鵠摩詰非不言遺韻寄終曲

陰晴不定簡唐覲祕校并教吳二君五首

積雨春連夏新晴忽復陰江痕漲猶在梅氣潤相侵蕉
綺還須脫圖書漸不禁江南舊風俗愁絕北來心

其二

蠶眠初上簇麥熟正磨鎌雲氣重重合江流夜夜添荐
饑人甚困多病我仍兼欲就橋南宿單衣暮雨霑

其三

漲江方斷渡小棹信輕生貧賤誰憐汝漂浮空自驚
一官終竊食何計早歸耕忽發騷人恨淒涼久未平

其四

西隣豫章客病骨瘦藥欒欒清夜眠孤枕終朝飽一簞雨
多愁不出講罷未應餐約我晴相過門前泥欲乾

其五

二子薪中楚相攜泮上遊薹鹽聊度日文象久忘憂寂
寞君何病驅馳我自羞何時采芹處永日看鳬鷗

欒城集卷十一

欽定四庫全書薈要卷一萬五千七

集部

樂城集卷十二

宋 蘇轍 撰

詩八十九首

雨後遊大愚

風光四月尚春餘淫雨初乾積潦除古寺蕭條仍負郭
閒官疎散亦肩輿摘茶戶外蒸黃葉掘筍林中間綠蔬
一飽人生真易足試營茅屋傍僧居

送高安羅令審禮

一邑憂勞水旱中牛刀閒暇似無功政成仍喜新蠶熟
歸去還將舊橐空清白久聞誇父老沉埋誰為憇諸公
謫居長恨交遊少悵望肩輿又欲東

送唐觀

溪上幽居少四鄰西家幸有著書人經年食菜誰憐瘦
終日題詩自不貧身在江湖釣竿地心馳蘭會戰車塵
此行便有飛騰處笑殺年來老病身唐君常欲為陝西官慨然有功名之

次韻唐觀送姜應明謁新昌杜簿

夫子雖窮氣浩然，輕蓑短笠傲江天。
薄遊到處唯耽酒，歸去無心苦問田。
泮上講官殊不俗，山中老簿亦疑仙。
相從未足還辭去，欲向曹溪更問禪。

姜如晦方作
嶺外之行

新種芭蕉

芭蕉移種未多時，濯濯芳莖已數圍。
畢竟空心何所有，欹傾大葉不勝肥。
蕭騷莫雨鳴山樂，狼籍秋霜脫敝衣。
堂上幽人觀幻久，逢人指示此身非。

次韻姜應明黃蘖山中見寄

垂老閒居味更深此身隨世任浮沉北牕未厭曲肱卧
西洛能傳擁鼻吟足馬徬徨猶寄食敝裘安樂信無心
我今漂泊還相似同愧高僧支道林

次韻黃大臨秀才見寄

故人聚散霜前葉往事渺茫風際烟遊宦一生非有已
隱居萬事不由天崎嶇檻穿方謀食嘯傲山林肯計年
賴已將心問盧老相逢他日笑風顛

次韻李朝散遊洞山二首

古寺依山占幾峰精廬髡髮類天宮三年欲到官為礙
百里相望意自通無事佛僧何處著入羣鳥獸不妨同
眼前簿領何時脫一笑相看丈室中

僧老經時不出山法堂延客未曾關心開寶月蟬娟處
身寄浮雲出沒間休夏巾鉢誰與共迎秋水石不勝閒
近來寄我金剛頌欲指胸中無所還

簡學中諸生

泮水秋生藻荇涼
莫牕燈火亂螢光
圖書粗足惟須讀
菽粟才供且自強
羽籥暗催新節物
弦歌不廢近詩章
腐儒最喜南遷後
仍見西雖白鷺行

以蜜酒送柳真公

床頭釀酒一年餘
氣味全非卓氏爐
送與幽人試嘗看
不應知是百花鬚

次韻柳見答

桂酒無人寄豫章

江西官釀惟豫章最佳

羈愁牢落遣誰當
烹煎

崖窓真牽強慙愧山蜂久蓄藏江上鱠鱸橙正熟山頭
吹帽菊初香漂流異日俱陳迹笑說過從想未忘

披仙亭晚飲

落日欲沒多雲烟南山暝鷗歸北山樓臺城上半明滅
燈火橋頭初往還江西八月熱猶在坐中遷客頭欲斑
何時解網聽歸去黃花白酒疎籬間

余居高安三年每晨入暮出輒過聖壽訪聰長老

謁方子明浴頭笑語移刻而歸歲月既久作一詩

記之

朝來賣酒江南市日莫歸為江北人禪老未嫌參請數
漁舟空怪往來頻每慙菜飯分齋鉢時乞香泉洗病身
世味漸消婚嫁了幅巾縮褐許相親

次韻子瞻感舊見寄

少年耽世味徘徊不能去老來悟前非尚愧昔遊處君
才最高峙鶴行鷄羣中我雖非君對顧以兄弟同結髮
皆讀書明月入我牖縱橫萬餘卷臨紙但揮手學成竟

無用掩卷空自疑却尋故山友重赴幽居期秋風送餘
熱冉冉如人老衣裘當及時田廬亦須早種竹竹生笋
種稻稻亦成浩歌歸來曲曲終有遺聲

次韻和人豐歲

風雨迎寒欲勞農今年真不負元豐益藏共荷官無擾
眠食安知帝有功草笠黃冠將蜡祀羔羊朋酒亦幽風
請君早具躋堂飲退食委蛇正自公

同孔常父作張夫人詩

女子勿言弱男兒何必強君者張夫人身舉十五喪頭
上脫笄珥篋中斥襦裳築墳連丘山松柏鬱蒼蒼親戚
不為助涕泣感道傍昔有王氏老身為尚書郎親死棄
不葬簪裾日翹翔白骨委廬陵宦遊在岐陽一旦有丈
夫軒軒類佯狂相面識心腹開口言災祥嗟汝平生事
不了令誰當汝身暖絲綿汝口甘稻粱衣食未嘗廢此
事乃可忘一言中肝心投身拜其床傍人漫不知相視
空茫茫終言汝不悛物理久必償兒女病手足相隨就

淪亡鄙夫本愚悍過耳風吹墻明年及前期長子憂憊

瘞一麾守巴峽雙枢還故鄉弱息雖僅存蹣跚亦非良

誰言天地寬網目固自張古事遠不信近事世所詳企

張非求福禍敗當懲王

嘉祐末年李士寧言王君事於右扶風其報甚速張夫人南部人孔推官常甫作詩言其賢邀余

同作并言李生事或足以警世云

次烟字韻答黃度堅

病卧江干鬚帶雪老捻書卷眼生烟貧如陶令仍耽酒
窮似湘累不問天令弟近應憐廢學大兄昔許叩延年

比聞蔬茹隨僧供相見能容醉後顛

魯直兄舊於齊州以養生見教

東軒長老二絕

并序

始余於官舍營東軒彭城曹君煥子文自浮光訪余
於高安道過黃岡家兄子瞻以詩送之曰君到高安
幾日迴一時抖數舊塵埃贈君一籠牢收取盛取東
軒長老來君過廬山見圓通知慎禪師出詩示之師
嘗與余通書見之欣然明日謂君昨見黃州詩通夕
不寐以一偈繼之曰東軒長老未相逢却見黃州一

信通何用揚眉資目擊須知千里事同風吾野人不能數為書君為我誦之而已君既至未暇及此客有自廬山至者曰慎師送客出門還入丈室燕坐而寂君乃具道其事余感之作二絕其一以答子瞻其二以答慎也

東軒正似虛空樣何處人家籠解盛縱使盛來無處著

雪堂自有老師兄

子瞻新築

東坡雪堂

擔頭挑得黃州籠行過圓通一笑開却到山前人已寂

亦無一物可擔迴

題方子明道人東牕

紙牕雲葉淨香篆細烟青客到催茶磨泉聲響石鉗禪
關敲每應丹訣問無經贈我刀圭藥年來髮變星

次前韻

閉門何所事毛髮日青青齒折登山屐塵生貰酒餅調
心開貝葉救病讀難經定起無人見寒燈一點星

迎寄王適

投竄千山恨不深扁舟夏涉氣如蒸重來足馬君何事
歸去飛鴻我未能養氣經年惟脫粟讀書終夜有寒燈
安心且作衰慵伴海底鯢魚會化鵬

王度支陶挽詞二首

風蹟殊不昧聲名豈偶然長途催驛驥爽氣激鷹鷁
薏苡成遺恨松楸卜遠年淒涼故吏盡誰泣鬢封前

其二

京塵昔傾蓋江國見佳城零落舊冠劍艱難老弟兄存

亡看世俗意氣憶平生曉鐸知人恨幽音亦未平

次韻陳師仲主簿見寄

朽株難刻畫枯葉任凋零舊友頻相問村酤獨未醒山
牙收細茗江實得流萍頗似申屠子都忘足被刑

寄題江漁長官南園茅齋

白髮辛勤困小邦塵勞坐使壯心降河陽罷後成南圃
彭澤歸來卧北牕畦畔草生親荷鉢床頭酒熟自傾缸
因君遣我添歸興舊有茅茨濯錦江

詠霜二首

江南雪不到霜露滿山村紙被欺氈厚茅簷笑瓦溫何
曾凝聲去沼渌有意隔朝霞底日身無事高眠不出門

其二

清霜欺客病乘夜逼牕扉坐睡依爐暖細聲聞葉飛蕉
絲空滿篋砧杵旋催衣起看度前草松筠未覺非

次韻吳厚秀才見寄

壯心摧折漸無餘早歲為文老不如登木求魚知我拙

循窠覓兔笑君疎清尊獨酌夜方半白髮潛生歲欲除
久恐父親還往絕床頭猶喜數行書

乾荔支

含露迎風惜不嘗故將赤日損容光紅消白瘦香猶在
想見當年十八娘

次韻王適元日并示曹煥二首

井底屠酥浸舊方床頭冬釀壓瓊漿舊來喜與門前客
終日同為酒後狂老大心情今已盡塵埃鬢髮亦無光

江南留滯歸何日萬里逢春思故鄉

放逐三年未遣回復驚爆竹起春雷祈年粗有樽中桂
寄遠仍持嶺上梅莫笑牛狸抵羊酪漫將崖蜜代官醅
二君未肯嫌貧病猶得衰顏一笑開

寄梅仙觀楊智遠道士

道師近在真人峯欲往見之路無從去年許我入城市
塵埃暗天待不至莫往莫來勞我心道書寄我千黃金
蠶衣肉食思慮短文字滿前看不見口傳指授要有時

脫去羅網當見之梅翁漢朝南昌尉手摩龍鱗言世事
一朝拂衣去不還身騎白駒翳紅鸞我今雖復墮塵土
道師何不與我語他年策足投名山相逢拍手一破顏

春雪

溫風吹破臘留雪惱新春信逐殘梅到花從半夜勻旋
消微覆瓦狂下亦欺人壓竹時聞落埋萱久未伸山川
濛不解樓觀洗成新擁褐僧方睡開門客屢饅饅烟知
歲稔履迹笑吾貧畦凍初生韭泥融正賣薪寒魚爭就

山濁酒頗無巡預喜田宜麥犧粢餅餌頻

贈石臺問長老二絕

并敘

石臺長老問公本成都吳氏子棄俗出家手書法華
經字細如黑蟻前後若一將誦之萬遍雖老而精進
不倦脇不至席者二十有三年余來高安以鄉人相
好益余懶而好睡見之惕然自警因贈之二小詩云
法達曾經見老盧半生勤苦一朝虛心通口誦方無礙

笑把吳鸞細字書

蜀中藏經往往有古仙人吳
米鸞細書經卷精妙可愛

蒲團布衲一繩床心地虛明睡自亡長伴空中月天子
東方行道到西方

和毛國鎮白雲莊五詠

掬泉軒

卜築高深已有山起居清潤可無泉穿牆白練秋聲細
照屋青銅曉色鮮已放魚鰣嫌跳擲更除蘋藻任漪連
只應明月中宵下長共禪心相向圓

平溪堂

清溪似與隱君謀故入堂前漫不收盥手從今休汲井
浮觴取意便臨流花漂澗谷來應遠石激琴箏久未休
莫把朱欄強圍繞山家事事要清幽

眺遠臺

山似高人長遠人不登高處見無因築臺土石無多子
照眼峯巒得許新陣馬奔騰時絕遠風濤舒卷忽無垠
白雲自是逃名處猶恐此中藏隱淪

濯纓菴

臨池濯足惜泉清纓上無塵且强名橫木為橋便獨往
結茅依島類天成往還漸少人誰識寢食無為身轉輕
有似三吳朱處士釣魚誰與話西征

白雲莊偶題

歸去攜家住白雲雲中猿鶴許同羣陶公酒後詩偏好
疎傅金餘客屢熏芒屨潛行逐漁釣壺漿時出勞耕耘
却看人世應微笑未熟黃粱晝夢紛

次韻王適落日江上二首

寒烟羃幕清江漁唱扁舟上江轉少人家自此知安往維
舟倚叢薄明月獨相向欲曉醉應醒還逐輕鷗颺

其二

稍息南市喧初上東山月潛魚忽驚踴饑雁時斷絕落
葉誤投籜繁霜疑積雪苦寒良難久愛此元氣潔

張秀才見寫陋容

潦倒形骸山上樗每經風雨輒凋疎勞君為寫支離狀
異日長看老病初落筆縱橫中自喜賦形深穩妙無餘

偶然挂壁低頭笑俱幻何妨彼亦如

同王適曹煥遊清居院步還所居

身為江城吏心似野田叟尋僧忽忘歸飽食莫攜手畏人久成性路繞古城後茅茨遠相望雞犬亦時有人還市井罷日落孤兔走迴風吹橫烟燒火卷林藪草深徑漸惡荆棘時挂肘褰裳涉沮洳斜絕汙池口投荒分岑寂欹側吾自取二君獨何為經歲坐相守遊從乏車騎飲食厭菘韭周旋未忍棄辛苦亦何負歸來倚南牕試

挹樽中酒笑問黃泥行此味還同否

子瞻謫居齊安自

過黃泥坂作黃泥坂詞二

君皆新自齊安來故云

臨臯亭遊東坡路

次韻王適春雨

久遭客禁往還稀風雨蕭條只自知春色有情猶入眼
客愁無賴巧侵眉山僧寄語收茶日野老留人供社時
久住不須嫌寂寞此間偏與拙相宜

和子瞻蜜酒歌

蜂王舉家千萬口黃蠟為糧蜜為酒口銜澗水拾花鬚

沮洳滿房何不有山中醉飽誰得知割脾分蜜曾無遺
調和知與酒同法試投麴蘖真相宜城中禁酒如禁盜
三百青銅愁杜老先生年來無俸錢一斗徑須囊一倒
鋪糟不聽漁父言煉蜜深愧仙人傳掉頭不問辟穀藥
忍饑不如長醉眠

次韻講律李司理憲見贈

強將羔雁聘黃晞破褐疏巾倚夕暉禮律縱橫開卷盡
醯鹽冷落待賢非日高几案弦歌罷夜永牕扉燈火微

猶喜江邊莫春近舞雩風雨得同歸

次韻王適遊陳氏園

宿雨晴來春已晚衆花飄盡野猶香舞雩便可同沂上
飲禊何妨似洛陽新圃近聞穿沼澗漲江初喜放舟長
年來簿領繁人甚何計相隨入醉鄉

答孔平仲二偈

熟睡將經作枕頭君家事業太悠悠要知睡著元非睡
未可昏昏便爾休

龜毛兔角號空虛既被無收豈是無自有真無遍諸有
燈光何礙也嫌渠

次韻柳真公閒居春日

春寒漸欲減衣綿雨勢冥冥水拍天一局無言消日永
新詩得意許人傳惜花田地應慵掃護筍藩籬可細編
好事報君知我喜同官欲到得閒眠

次韻王適東軒即事三首

新竹依牆未出尋牆東桃李却成林池塘草長初饒夢

村落鶯啼恰稱心江滿船頭朝欲轉泥融屐齒莫尤深
閉門憐子成書癖試買村醪相伴斟

眼看東隣五畝花茅簷竹戶野人家過牆每欲隨飛蝶
歸舍誰憐已莫鴟幽客偶來成晚飯野僧何日寄新茶
三年氣味長如此歸計遲遲也自嘉

北園春草徑微微未用頻教剪棘茨蜂陣紛紛初養蜜
鶯巢淺淺欲生兒客情流水兼山遠歸夢遊絲向日遲
懶病相將渾欲慣賴君索我強裁詩

送李憲司理還新喻

采芹芹已老浴沂沂尚寒崩緜長嘆息苜蓿正闌干黃
卷忘憂易青衫行路難歸耕未有計且復調閒官

問黃蘖長老疾

四大俱非五蘊空身心河岳盡消鎔病根何處容他住
日夜還將藥石攻

復次烟字韻答黃大臨庭堅見寄二首

水竹遮藏自一川日高茅屋始炊烟犬牙春米新秋後

麥粒蒸茶欲社天冠蓋只今成棄物杉松他日記裁年
定應笑我勞生在卯睡聞呼衣為顛

十載勞思寤寐間新詩態度比雲烟清風吹我無千里
明月隨人共一天歸去林泉應避暑北征道路恐經年
與君共愧知時鶴養子先依黑柏顛

次韻子瞻臨臯新葺南堂五絕

江聲六月撼長堤雪嶺千重過屋西一葉軒昂方斷渡
南堂蕭散夢寒溪

旅食三年已是家堂成非陋亦非華何方道士知人意
授與爐中一粒砂

北牖清風正滿床東坡野菜漫充腸華池自有醍醐味
丈室仍聞薈葛香

隣人漸熟容賒酒故客親留為種蔬住穩不論歸有日
船通何患出無車

客去知公醉欲眠酒醒寒月墮江烟床頭復有三升蜜

貧困相資恐是天

次韻王適大水

高安昔到歲方閏
大水初去城如墟
危謙墮地瓦破裂
長橋斷纜船逃逋
漂浮隙穴亂羣蟻奔走沙礫摧嘉蔬
里間破散兵火後
飲食弊陋魚蝦餘
投荒豈復有便地
遇災祇復傷羸軀
人言西有蛟蜃穴
閏年每與風雷俱
漫溝溢壑恣游蕩
傾崖拔木曾須臾
鷄豚浪走不復保
老稚裸泣空長吁
滯留再與茲水會
淪胥未哂斯民愚
人生所遇偶然耳
得失何用分鑑銖

贈三局能師二絕

得失從來似偶然因師聊復問行年此生竟墮陰陽數
方信修行力未全

旅食江干秋復春歸耕未遂不勝貧憑師細考何年月
可買山田養病身

臨川陳憲大夫挽詞二首

一時冠蓋盛臨川直亮推公益友先淡泊朱絲初少味
蕭疎翠竹久彌鮮崎嶇處世曾何病奔走成功亦偶然

天理更疎終不失雍雍今見子孫賢

五月扁舟憶過門
哀憐逐客為招魂
開樽不惜清泉潔
揮汗相看白雨翻
病起清言驚苦瘦
歸休尺牘尚相存
秋風灑涕松楸外
談笑猶疑對竹軒

公家有竹軒
輒嘗賦詩

次韻知郡賈蕃大夫思歸

江城漂泊最多時
邂逅誰令長者期
得坎浮槎應有命
投林驚鵠且安枝
何年笑語還留客
終日勤勞數問兒
鈴閣清虛非此比
秋風歸興恐非宜

久不作詩呈王適

憐君多病仍經暑笑我微官長坐曹落日東軒談不足
秋風北棹意空勞懶將詞賦占鴟脰頻夢江湖把蟹螯
筆硯生塵空度日他年何用繼離騷

喜王葦承事北歸

同罪南遷驚最遠乘流北下喜先歸謾言一笑秋風後
却顧千山驛路非嶺外雲烟隨夢遠江邊魚蟹為人肥
還家嫁女都無事卧讀詩書盡掩扉

予初到筠即於酒務庭中種竹四叢杉二本及今

三年二物皆茂秋八月洗竹培杉偶賦短篇呈同

官

種竹成叢移出簷三年慰我病厭厭剪除亂葉風初好
封植孤根笋自添高節不知塵土辱堅姿試待雪霜雪
屬君留取障斜日仍記當年此滯淹

和王翬見寄三首

南遷春及秋江湖未云半逮此歸路長始悟行日遠幽

憂脫沉痼清夢驚婉婉行行逢故人笑語雜悲泣

其二

江秋北風多歸帆未應駛天寒雁南向家書空滿紙契
闊幸安平婚嫁須纓珥交遊何為者空復念君至

其三

折葉每安心連環非所計感君扁舟返念我一塵廢懷
思樂全老疇昔忘言契丹砂儻已成白首願終惠

復次韻

滕王閣在誰攜手徐孺湖寬可放情楚客解書南國恨

秦箏助發上林鶯繫匏獨負杯中物擁鼻知逢洛下生

問得長鬚添夢想蓬牕燈火達天明

近遣僕至鍾陵還言定國與黃君魯

直會於舟中燈

火終夜而去

孔毅父封君挽詞二首

交契良人厚家風季婦賢詩書中有助蘋藻歲無愆象
服期他日恩封屬此年神傷自不覺弔客問潸然

其二

別日笑言重歸來藥餌憂鍾歌掩不試貝葉亂誰收恨
極囊封在情多壘木稠埋文應自作——記薇猷

上高息軒起亭二絕

山下清谿谿上市谿光山色映人烟幽亭正在人聲裡
長與谿山共寂然

溪父起收曾下鯉山翁起賣焙中茶長官亦與人俱起
笑擁黃紬放早衙

九月十一日書事

東牆瘦菊早開花九日金鉏已自嘉黍麥候遲初響壅
米鹽法細未還家發醅昨夜驚泉湧洗盞今晨聽婦誇
歸採茱萸重一醉不須怪問日時差

和王適寒夜讀書

久從市井役百事廢不理感君讀書篇惜此寒夜晷殷
勤附燈燭黽俛就圖史逡巡揖虞夏汗漫馳劉李斯文
家舊物早歲夙從事一從慕羶腥中棄如敝屣今夕亦
何夕忽如舊遊至終篇再三歎推枕不成寐人生無百

年所欲知有幾懸知未必得奔走若趨市微言寄翰墨
開卷入心耳胡為棄不收所逐在難覬

和王適新葺小室

向日堂東一室存竹為牕壁席為門心如白月光長照
氣結丹砂體自溫飯軟莫嫌紅米賤酒香故取發醅渾
他年一笑同誰說伴我三年江上村

病中賈大夫相訪因遊中宮僧舍二首

江城寒氣入肌膚得告歸來強自扶五馬獨能尋杜老

一床深愧致文殊體虛正覺身如幻談劇能令病自無
明日出門還擾擾年來真畏酒家壚

東隣脩竹野僧家亂柳枯桑一徑斜逐客慣曾迂短策
使君何事駐高牙蕭條已似連村塢邂逅應容設晚茶
慙愧病夫無氣力隔牆空聽吏兵譁

和王適炙背讀書

少年讀書處寒夜冷無火老來百事慵炙背但空坐眼
昏愁細書把卷惟恐卧寒衣補故褐家釀熟新糯微微

牕影斜暖暖雲陰過昏然偶成寐鼻息已無柰兒童更
笑呼書冊正前墮衰懶今自由不復問冬課

同王適賦雪

北風吹雨雨不斷遍滿虛空作飛霰紙牕獨卧不成眠
茅屋無聲時一泣鳥烏錯莫寒未起庭戶空明夜驚旦
重樓複閣爛生光絕澗連山漫不見夾砌雙杉洗更碧
滿田碧草埋應爛城中閉戶無履迹市上孤烟數晨饗
細排玉箸短垂簷暗結輕冰時入研撥灰有客顧尊俎

迹免何人試鷹犬未容行役掃車轂應有老農歌麥飯
一來江上若俄頃四見白花飛面旋坐看酒甕誰敢嘗
歸踏水泥屢成漿年來橋板斷不屬莫出肩輿足憂患
到家昏黑空自笑憇婦勤勞每長嘆牀頭有酒未用沽
囊裏無錢不勞算更令雪片大如手終勝溪瘴長熏眼
謁告猶能不出門典衣共子成高讌

欒城集卷十二



總校官庶吉士臣張能照

校對官庶吉士臣陳文樞

謄錄監生臣呂燕昭